

**Uunga siunnersuut: Umiarsualivimmiinnermut aamma umiarsuarni takornarianik
angallassisuni ilaasut akileraarutaat pillugit Inatsisartut inatsisaata allanngortinnera
pillugu Inatsisartut inatsisaat**

(Kangerlussuup umiarsualiviani akileraarutitut akigititanik umiarsuillu suussusaannik
allannguneq kiisalu elektroniskinnngorlugit nalunaaruteqartarnermut tunngatillugu aaqqiineq)
Aningaasaqarnermut Akileraartarnermullu Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip pingajussaaneerneqarneranut

ILASSUTITUT ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik
ilaasortarai:

Inatsisartunut ilaasortaq Erik Jensen, Siumut, siulittaasoq
Inatsisartunut ilaasortaq Pele Broberg, Naleraq, siulittaasup tullia
Inatsisartunut ilaasortaq Jørgen Rosbach, Demokraatit
Inatsisartunut ilaasortaq Margrethe Thårup Andersen, Demokraatit
Inatsisartunut ilaasortaq Mariane Paviassen Jensen, Inuit Ataqatigiit

Inatsisartut 2025-mi ukiakkut ataatsimiinneranni ulloq 4. november aappassaaneerinninnerup
kingorna ataatsimiititaliap sunnersuut misissorpaa.

Ilanngussaq 1: Aappassaaneerinninnermut isumaliutissiisummi ataatsimiititaliap
apeqqutaanut Naalakkersuisut akissutaat.

Siunnersuutip imarisaa siunertaalu

Allaffissornerup sunniuteqarluarnerusumik ingerlanissaanik, assigiiarnerusumik unammilleqatigiinnermi atugassaqaqtitsinissamik maannakkullu pisariaqaqtitsinermut naapertuuttumik malittarisassanik nutarterinissamik qulakkeerinninnissaq umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit Inatsisartut inatsisaata allanngortinneqarnissaanik siunnersuummi siunertarineqarpoq. Akileraarutit sorliit Inatsisartut inatsisaanni tassungalu atatillugu piumasaqaatini pineqassanersut paasinarsisikkumallugit malittarisassat atuuttut aaqqissuussaanerannik allanngortitsinissaq siunnersuutigineqarpoq. Siunnersuutip imarisaata itisilerneqarnissaanut siunnersuutip aappassaaneerneqarnissaanut ataatsimiititaliap isumaliutissiissutaa innersuussutigineqarpoq.

Siunnersuutip Inatsisartunit aappassaaneerneqarnera

Aappassaaneerinninnermi siunnersuut nalinginnaasumik taparserneqarpoq kiisalu akitsuutit qaffasinnerunissaannik kissaateqarnerup aningaasanut inatsisissap isumaqatigiinniutigineqarneranut ilaatinneqarnissaa taparserneqarluni. Aappassaaneerinninnissamut isumaliutissiissummi apeqqutitut akissummut kiisalu Naalakkersuisut allannguutissatut siunnersuutitut saqqummiussaannut ataatsimiititaliaq isummernissamut periarfissinniarlugu siunnersuut Aningaasaqarnermut Akileraartarnermullu Ataatsimiititaliamut suliareqqinneqartussanngorlugu innersuunneqarpoq.

Tusarniaanermut akissutit

Siunnersuutip tusarniaassutigineqarneranut akissutit pillugit paasissutissanut atatillugu siunnersuutip aappassaaneerneqarnissaanut ataatsimiititaliap isumaliutissiissutaa innersuussutigineqarpoq.

Ataatsimiititaliap Naalakkersuisunut apeqqutai

Ataatsimiititaliap siunnersuummik suliarinninnerminut atugassaatur sinerissami pissutsinut tunngasumik apeqqutit arlallit siunnersuummik aappassaaneerinninnermi akissuteqarfigeqqullugit ataatsimiititaliap Naalakkersuisut qinnuigai. Aningaasaqarnermut Akileraartarnermullu Naalakkersuisup akissutaa isumaliutissiissummut matumunnga ilanngussatut ilanngunneqarpoq.

Siunnersuutip aningaasaqarnikkut kingunerisassai

Siunnersuutip aningaasaqarnikkut kingunerisassai pillugit paasissutissanut tunngatillugu siunnersuutip aappassaaneerneqarnissaanut ataatsimiititaliap isumaliutissiissutaa innersuussutigineqarpoq.

Ataatsimiititaliap siunnersuummut oqaaseqaatai

Siunnersuut pillugu ataatsimiititaliap apeqqutaanut Naalakkersuisut akissutaat ataatsimiititaliamit qujassutigineqarpoq. Ataatsimiititaliaq tamatumunnga allanik oqaaseqaatissaqanngilaq.

Inatsisissatut siunnersuutip kalaallisuuata danskisuuatalu imminnut naapertuutinnginnerat, tamatumalu peqatigisaanik kalaallisuuani taaguutit assigiiaanngitsumik taagorneqarnerat, ataatsimiititaliap suliarinninnermini paasivaa. Tamanna tunngavigalugu Naalakkersuisut pingajussaaneerinninnissamut allannguutissatut siunnersuummik, siunnersuutip kalaallisuuata danskisuuatalu akornanni oqaatsit naapertuutilernerannik kinguneqartumik saqqummiussippat.

Ataatsimiititaliap inassuteqaatai

Naalakkersuisut allannguutissatut siunnersuutaat aammalu inatsisissatut siunnersuut allanngortinneqarnermisut iluseqartoq **akuerineqassasut** ataatsimiititaliap **isumaqatigiittup** inassutigaa.

Taamatut oqaaseqaateqarluni isumaliutissiisummilu allassimasutut paasinnilluni
ataatsimiititaliap siunnersuut pingajussaaniigassanngortippaa.

Erik Jensen
Siulittaasoq

Pele Broberg
Siulittaasup tullia

Jørgen Rosbach

Margrethe Thårup Andersen

Mariane Paviassen Jensen